



## Publicaziuns dalla vischnaunca, jamna 22

### Cussegl da vischnaunca

Il cussegl da vischnaunca seraduna **venderdis, ils 7 da zercladur 2019**, allas 2015 en casa communal.

#### Tractandas:

1. Protocol 20-2017/2020
  2. Access Fontanivas: Sanaziun ed adattaziun dalla sbuccada el stradun – Project e credit (messadi nr. 32-2017/2020)
  3. Via Run: Credit per la cumpart dalla sanaziun dalla via e credit per la sanaziun dalla canalisaziun (messadi nr. 33-2017/2020)
  4. Serenera Pardomat: Project e credit (messadi nr. 34-2017/2020)
  5. Program d'activitad (messadi nr. 35-2017/2020)
  6. Plan da finanzas 2020–2024 (messadi nr. 36-2017/2020)
  7. Ura da damondas (conform ad art. 44 dil regulativ da fatschentas)
- Il president dil cussegl da vischnaunca*

---

### Referendum facultativ spirau

A caschun da sia seduta dils 25 d'avrel 2019 ha il cussegl da vischnaunca:

- concediu unanimamein in credit da frs. 295 000.– per la formaziun nova digl areal da scola e la sanaziun dils plazs avon halla Cons e la scola veglia;
- approbau unanimamein il rapport da gestiun ed il quen 2018.

Encunter quellas decisiuns ei enteifer il termin fixau buca vegniu fatg diever dil referendum, aschia ch'ellas han contonschiu vigur legala.

Il rapport da gestiun 2018 ell'usitada fuorma stampada e ligiada vegn distribuius el decuors dil zercladur 2019 en tuttas casadas. Ulteriurs exemplars san vegnir retratgs en casa communal ella stanza da publicaziuns.

*Suprastonza communal*

---

### Via d'uaul Punt da Brulf–Fontanivas Serrada dalla via

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis.

Bien engraziament per la capientscha.

Disentis/Mustér, ils 13 da mars 2019

*Uffeci forestal Disentis/Mustér*

---

### Administraziun communal

Muort ina scolaziun interna resta l'administraziun communal serrada **mesjamna avonmiezdi, ils 5 da zercladur 2019**. Bien engraziament per Vossa capientscha.

*Administraziun communal*

---



### Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni adminstraziuns d'immobillas che han pigl 1. Da zercladur 2019 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **7 da zercladur 2019**.

Sco habitaziuns vitas el senn da quella dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ei pil di da controlla (1-6-2019) vitas, denton habitablas e
- ch'ei pil di da controlla (1-6-2019) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

*Administraziun communal*

---

### Controlla da habitonts

#### Mortoris

Lucia Albin-Seglio, naschida ils 20 da fevrer 1939, morta ils 21 da matg 2019.

Marcus Antoni Monn, naschius ils 31 da fenadur 1965, morts ils 23 da matg 2019.

---

### Onn da scola 2019/20

Preziai geniturs, cars affons

Ils uraris da scola ed igl urari dils transports pil proxim onn da scola 2019/20 ein d'anflar naven d'immediat sin [www.scoladisentis.ch](http://www.scoladisentis.ch). Jeu supplicheschel tut/tas scolar/as da Segnas, Buretsch e Cuoz **dalla emprema scoletta** da s'annunziar cun ina nova foto da portret alla staziun da Mustér pigl abbonament dalla MGB (niev sistem dad abo cun il SwissPass). Nus engraziein a Vus cordialmein per la buna collaboraziun duront igl onn da scola che va alla fin e giavischein bialas vacanzas da stad. Cordials salids e sin bien seveser

*Nossa scola populara Mustér*

---

### Di naziunal dils mulins

**Sonda, igl 1. da zercladur** ei il di naziunal dils mulins. Uniun da falun e cascharia Disla envidan in e scadin per prender envesta als indrezs ch'ei aviarts quei di, naven dallas 10.00–17.00. Sin bien seveser a Disla.

---

### Invitaziun Seniors-Ca

**Gievgia, ils 13 da zercladur 2019 excursiun ad Andermatt.** Viadi ad Andermatt e tur el hotel «Chedi» cun petta e caffè. Partenza allas 13.30 halla Cons, retuorn cun arrivada allas ca. 17.30 a Mustér. Per in prezi raschuneivel. Annunzia: Entochen mesjamna, ils 5-6-2019 allas 17.00 tier Puntreis (tel. 081 929 56 56)

---

### Meisa da miezdi organisada da Seniors-Ca e Puntreis

Entschatta: allas 12.15 en Puntreis. Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56).

La meisa da miezdi ei aviarta per mintgin/a.

*Post d'informaziun Seniors-Ca*

---



### **Biblioteca populara Disentis/Mustér e contuorn**

**Venderdis, ils 31 da matg 2019** resta la Biblioteca populara Disentis/Mustér e contuorn serrada. Nus engraziein per Vossa capientscha. Bugen essan nus puspei cheu per Vus gliendisdis, ils 3 da zercladur 2019.

*Il team dalla biblioteca*

---

### **Corporaziun d'alp Russein Mustér**

**Radunonza generala dils possessurs da dretgs dalla corporaziun d'alp Russein Mustér, gliendisdis, ils 3 da zercladur 2019** allas 20.15 el hotel «Alpsu», Mustér.

#### **Tractandas:**

1. Beinvegni
2. Elecziun d'in dumbravuschs
3. Prelecziun ed approbaziun dil protocol dalla radunonza generala dils 11 da zercladur 2018 (part pertuccont la corporaziun da dretgs)
4. Render quen digl ugau per igl onn 2018
  - a) Rapport dils revisurs ed approbaziun dil quen
5. Rapport digl ugau
6. Revisiun totala dallas statutas (proposta ed approbaziun)\*
7. Elecziuns:
  - a) president
  - b) vicepresident/actuar
  - c) cassier
  - d) dus revisurs da quen ed in substitut
8. Fixar ils tscheins dils dretgs per 2019
9. Contract d'affitaziun per l'alp Russein/informaziun
10. Credit turbina
11. Contract cun l'Axpo
12. Deliberaziun da damondas e propostas
13. Varia

\*Sin giavisch d'in proprietari da dretgs sa vegnir priu envesta dallas statutas surluvradas tier igl ugau Armin Berther (079 609 48 25/armin.berther@gmail.com).